

B. N. C.
FIRENZE

1097

5



1097. 5

SERIES
REGVM

HVNGARIAE

E NVMMIS AVREIS,
Quos vulgò Ducatos appellant,

Collecta & descripta,

ac

IMP. CAES. LEOPOLDI,
P. FEL. AVG. P. P.

OPTIMO PRINCIPI,

humili ac devotâ manu oblata

â

IACOBO A MELLENI,

Lubecensi.



LVBECAE,

Sumptibus Io. Wiedemeyer, Bibli

MDCXCIX.

SERIES

REGVM

VNGARIAE

F. RUDOLPHVS AVSTRVS

Quos vulgo Ducis appellatione

Collegio de electoribus

IMP. CAES. LEOPOLDVS

AVSTRVS

ORDINIS PRINCIPIS

Principis de electoribus

LEOPOLDVS AVSTRVS


Principis

LEOPOLDVS

Principis

S. IMPERATORIAE
REGIAEQVE MA-
IESTATI

Augustissimi Invictissimique Principis
ac Domini

EOPOLDI,

ROMANORVM IMPERATORIS
S. AVG. GERMANIAE, HVNGARIAE, BOHE-
MIAE, DALMATIAE, CROATIAE,
SCLAVONIAE
REGIS,

Archiducis Austriae, Ducis Burgundiae,
&c. &c.

Domini sui longe
Clementissimi,

Hoc quicquid muneris est,
sacrum esse jubet,

**S. CAES. MA-
IEST. IPSIVS,**

devotissimus

IACOBVS A MELLENA

Lübecensis.

Qvan-



Vanta gaudiorum so-
lennia O. M. olim hu-
mani generis Servator
adumbrare, voluerit,
comparando regnum

Coelorum ΑΝΘΡΩΠΩ: ΒΑΣΙΛΕΙ, ΟΣΤΙΣ ΕΠΟΙΗΣΕ ΓΑΜΟΥΣ
ΤΩ: ΤΩ ΑΥΤΟΥ, non tantum Ipse nunc præci-
pue experiris, **AVGVSTISSIME IM-**
PERATOR, sed etiam fideles ac devoti
MAIESTATIS TVAE subditi abunde
colligunt, Dum enim Serenissimo ma-

jori natu Filio IOSEPHO , Potentissimo Romanorum ac Hungarorum Règi, exoptatissimas , ac totius Europæ voto felicissimas, cum WILHELMINA AMALIA Brunsvico-Luneburgensi, Nuptias paras, quid TIBI vel acceptius , vel Nobis , immo cunctis Domui Augustæ serio addictis , lætius , vel denique toti Christiano Orbi jucundum magis evenire posset & festivius ? Loqvuntur id tot edita ubivis gaudiorum documenta publica ; tot exsultantium Imperii procerum , ac fausta quævis ominantium, triumpho ; tot uno quasi ore redditæ, imòque pectore profectæ gratulationes ; tot ampla denique donaria, TVÆq; partim MAIESTATI, partim vero Serenissimis Neonymphis , in infu-

catum

catum devoti non minus quam ovan-
tis animi signum, missa munera. Hæc
inter vix referri quidem meretur exi-
guus NVMMORVM AVREORVM
Manipulus, quem similem ob causam
hîc exhibeo, festivæque gratulantium
turbæ immixtus, humillima devotæque
manu S. IMP. TVAE MAIESTATI
consecro. At, quoniam istâ nuncu-
patione nihil aliud præsto, quam ut
vere & proprie CAESARI EA DEM,
QVAE CAESARIS SVNT, immo-
talia, quibus hæud vulgare AVREI Im-
perii, simulque diuturnioris regnan-
tium SVCCSSIONIS, omen inest;
hoc quæcunque devotissimi animi
τεκμήριον S. CAES. TVAE MAIESTATI
non ingratum fore confido, Deum-
que

que supplex veneror, ut votis Chri-
stiano Orbe haftenus susceptis an-
nuens, praesentia non tantum DOMVS
AVGVSTAE Gaudia, sed Florem
quoque illius, Imperium, & omnimō-
dam Felicitatem, perennare jubeat.

Scrib. Lubecæ, An. MDCXCIX, d. XIV. Febr.



SERIES

3

✓



SERIES REGVM HVNGARIAE

è Nummis aureis.

I.

LVDOVICVS.

SANTVS. LADISLAV⁹. *Effigies S. Ladislai,
Regis Hungaria, coronati & togati, dextra
bipennem, sinistra globum tenentis.*

LODOVICI. D. G. R. VNGARIE. *Insignia
Hungarico - Neapolitana.*



Vi altero hujus Nummi (& sequen-
tium) latere exhibetur, SANCTVS
LADISLAV⁹, sive LADISLAVS,
Rex, tam ex more sæculi, quàm sin-
gulari devotione, pridem tanti habi-
tus est, ut successores monetam effigie ac nomine
ipsius signaverint: Nam, quemadmodum *Bohe-*
mis olim familiare fuit, memoriam *S. Wenceslai*
sui nummis tradere, eorumque opè in *παῖδας παίδων*

A

pro-

propagare, quod ipse *Wenceslaus* martyr (si *Hagecio* in Annal. Bohem. fides habenda est) à fratre parricida *Boleslao*, post mortem ei apparens, petiit; ita quoque *Hungari* existimârunt, se Regem suum *Ladislauum*, rerum gestarum magnitudine, vitæque sanctitate celeberrimum, nullo pacto melius ab oblivionis injuria liberaturos, quàm si nomen vultumque ipsius auro & argento expressum, perenni numismatum beneficio posterorum oculis subjicerent.

Fuit autem hic *S. Ladislaus Bela* Hungariæ Regis filius, & seculo post natum Servatorem undecimo vixit, cujus anno septuagesimo quinto (1075.) *Geysæ* fratri in Hungariæ Regno successit; vivo licet adhuc *Salomone* Rege, (*Henrici IV.* Imp. affine) quem irritati proceres ob favitiam rejecerant. Cum isto *Ladislauus* quidem foedus pepigit, ut solo nomine Regio, annuoque stipendio tantæ dignitati congruo, contentus viveret; At quoniam iniquus *Salomonis* animus hoc recusavit, eundem captum carceri tradidit, ac paullo post dimissum, cum ope *Cuthesci* Chunnorum, principis res novas moliretur, prælio superatum eò adegit, ut in eremum secedens vitam egerit solitariam. Hinc *Ladislauus* solus Hungariæ imperans, Dalmatiam, Croatiamque adquisivit, Ruthenos ac
Polo-

Polonos domuit, nec non aliis id genus rebus fortiter ac feliciter gestis, ita inclaruit, ut, licet in numismate nostro saltem *togatus* appareat, nihilo tamen minus etiam *sago* fuerit inclytus; adeoque merito *bipennem* gesser, bellicæ virtutis symbolum, quemadmodum *globus*, *cruce* præditus, religiosam tranquillati imperii administrationem indicat.

Inprimis verò magnam *Sanctitatis* famam, *Ladislavus* habuit, eaque centesimo tertio post mortem anno à Romano Pontifice in Divorum, numerum referri meruit; præsertim, cum varia post obitum miracula edidisse dicatur, quæ apud *Ant. Bonfinium*, Rer. Hungar. Dec. II. lib. IV. p. 233. legi possunt. Inde vulgò *Sancti* cognomen ipsi tributum videas, quod etiam nummo nostro inscribitur, licet mendosè SANTIUS dicatur, quod culpa monetarii Itali, Neapolitano æquè ac Hungarico Regi *Ludovico* servientis, factum, suspicor. Huc quoque pertinet *meniscus* sive *circulus*, caput ipsius ambiens, ceu ornamentum, vulgò passim Sanctus addi solitum: de quibus meniscis, aliisque id genus Sanctorum diadematis, prolixè agit *Jo. Ciampinus*, Mon. Vet. de Musivis operibus, part. I. c. XIV. ubi eorundem originem, cum *Pignorio* & *Kirchero*, à Gentilibus

accerfit, qui Cæſaribus Heroiſuſque ſuis hæc nota divinitatem adſcribere voluerunt; rejicitq; *Salmurii* ſententiam, inenſcos illos pictorum erroribus tribuentis, qui tegumenta, ad avium ſtercora ſubmovenda ſtatuis impoſita, in pictis etiam imaginibus adhibuerint.

Num in conjugio vixerit *Ladislauſ* noſter, haud ſatis liquet, coelibem enim & *amida* deceſſiſſe, plurimi ſcriptores aſſerunt. *Bonfinius* tamen l. c. p. 232. Epitaphii Veſprinendiſſi meminit, quod ab Antiſtite quodam, qui (ipſo teſte) *Gesla & Olheit Reginarum oſſa congeſſit*; his verbis conceptum fuiſſe ait: *Ladislai Sanctiſſimorum Pannoniæ Regum conſortium hic oſſa quieſcunt.* Idem quoque *Pyrifcam* Ladislai filiam memorat, quæ Conſtantinopolitano Imperatori (& quidem, ipſo judice, *Emanueli Comneno*) elocata fuerit. Vt ut ea ſint, *Ladislauſ* hic anno MXCV. III. Kal. Aug. undeviceſimo regni ſui anno vivis exceſſit, ac *Colomannum*, ex fratre *Geiſa* nepotem, ſucceſſorem habuit.

Sed ſatis diu nos S. Ladislauſ tenuit. Progreſſimur jam ad LVDOVICVM, nummi iſtius auctorem, quem deſcribimus. Is patrem habuit *Carolum* (ſive *Carolum Robertum*, vel etiam *Caro-*

Carobertum, Hungariæ Regem, *Caroli Martelli* Regis Neapolitani filium; matrem verò *Eliſabetam*, filiam *Ladislai*, Regis Poloniæ. His parentibus an. MCCCXXVI. natus, defuncto patri an. MCCCXLII. in Regno Hungariæ ſucceſſit, ac illud per integros quadraginta annos tanta virtute atque felicitate adminiſtravit, ut cœteros ſux gentis principes non æquarit modò, ſed etiam longè ſuperaverit.

At res ab iſthòc Rege domi foriſque fortiter & præclare geſtas perſequantur alij; nobis ſufficit, ea ſaltem memorâſſe, quæ ad præſentem nummum explicandum pertinent: quò maxime videtur facere Expediſio *Ludovici* hujus in Italiam, ad ulciſcendam fratris *Andrea* mortem, & Regnum Neapolitanum adquirendum, ſuſcepta. Immani enim facinore *Andream* iſtum *Ludovici* noſtri fratrem, xv Regem Neapolitanum, propinqui quidam conjurati Averſæ fune ſenico ſtrangulaverant, non abnuente ipſa miſeri principis uxore, *Ioanna*, formoſiſſima quidem, at ſimul incontinentiſſima ſcœmina; utpote quam ſceleratum illum laqueum propriis manibus parâſſe, *Pandulſus Collenutius* (Regn. Neap. l.V.) auctoreſt. Unde *Thomas Fuiler*, Anglus, eleganti libro, qui vocatur *Holy and Profane State*, l. V. cap. II. p. 362, ait: *There goes a*

story, that this Andrew on a day coming into the Queens chamber, and finding her twisting a thick string of silk and silver, demanded of her, for what purpose she made it? She answered: To hang you in it; which he then little believed, the rather because those, who intend such mischief, never speak of it before.

h. c. Referunt, Andream hunc aliquando Reginae conclave intrantem, eandemque crasso funi ex sericis argenteisque filis contexendo intentam deprehendentem, ex illa quæsisisse, cui fini laqueum istum pararet? Respondit ei: Ut tu ipso suffocèris; Sed hoc (quasi joco dictum) Rex non credidit, cum ii, qui tale scelus meditantur, ante perpetrationem ipsam non soleant de illo verba facere. Nefandam igitur hanc fratris eadem ulturus *Ludovicus*, cum exercitu in Italiam movit, captâque facili Neapoli, & Dyrrhachii Duci (quem *Joanna*, cum novo conjugè *Ludovico* Tarentino, Avenionem protuga, custodem regis reliquerat) ereptâ, unanimi procerum consensu *utriusque Sicilia* Rex fuit proclamatus.

Testatur hoc bipertitus averſæ partis nummi nostri clypeus, qui simul *Hungarica & Neapolitana* insignia continet. Nam tæniæ istæ transversæ, quæ dextrum clypei hujus latus permeant, Regnum *Hungaria* designant; cujus quatuor primaria flumina, Danubium scilicet, Dravum, Savum & Tibiscum,

biscum, argenteis hisce in miniato campo ductibus notari, haud ita pridem in *Sylloge* nostr. *Nummorum uncialium, ab Impp. cusorum*, p. 56. observavimus. Lilia autem, quæ sinistrum scuti latus implent, Regni *Neapolitani* sunt indicia. Nam, licet olim à *Normannis*, cum ii *Saracenos* magnâ Graciâ ejicerent, ibique Regnum *Neapolitanum* conderent, insignium loco baltheum diagonalem, ex argento & cyano tessellatum, in campo rubeo gestatum ferant, quorum successores *Suevi* (propter nuptias *Constantia*, Regni heredis, cum *Henrico VI.* Imp. *Sveviæ* Duce) tres Leones nigros, auro inscriptos, adhibuisse dicuntur; *Carolus* tamen *Andinus*, (*d' Anjou*) *Ludovici IX.* Gallie R. frater, à R. Pontifice *Urbano IV.* an. MCCLXIII. Rex *Neapolitanus* constitutus, & triennio post à *Clemente VI.* coronatus, loco veterum istorum insignium *Lilia Francica*, secum è Gallia allata, totoque clypeo sparsa, (ac nondum, quod demum seculo XV. incunte factum, ad numerum ternarium reducta) substituit, quibus etiam reliqui (ex *Andinis*) Reges usi sunt. Hodie tamen alia insignium, *Neapolitanorum* facies est, cum *utriusq. Sicilia* (cis & trans *Pharum* sitæ) Regnum, ob *Arrago-*

nios

nios moderatores, Andinis suffectos, parmula oblique dextrorsum & sinistrorsum sectâ notetur, cujus summum & imum aureum quatuor pali miniati, latera verò argentea duæ aquilæ nigræ occupant.

Antiquum igitur istud Neapolitanum *δίσγμα*, Andina nempe lilia, *Ludovicum* Hungariæ Regem nummo suo impressisse, mirum non est. Nam, præter eam, quam suprà memoravimus, Regni Neap. occupationem, idem quoque nascendi jure jam ad ipsum pertinuit, cum *Carolus* ille Andinus, de quo diximus, *Caroli Martelli* pater, & *Caroli Roberti* avus, adeoque *Ludovici* nostri proavus, extiterit; cujus soboles, ob uxorem ejus *Mariam*, *Stephani V.* Hungar. R. filiam, an. MCCLXXVII. ductam, Hungarico diademate exornari meruit. Origini huic notandæ etiam, *Ludovicus* priori numismatis sui lateri (quod *S. Ladislaum* exhibet) quinque lilia inscripsit; in ipso autem clypeo liliatò non expressit discerniculoni illud, quod aliàs veteri Ducum Andinorum tessere addi solet, fasciolam scilicet, seu (ut *Feciales* loqui amant) *Lambellam* trium aut quinque segmentorum, quæ hodie adhuc in Neapolitano *Lotharingicorum* insignium laterculo conspicitur.

Quod

Quod reliquum est, *Ludovicus* noster bis uxorem duxit. Prior fuit *Margareta*, Imp. *Caroli IV.* filia, quæ improlis obiit, posterior *Elisabeta*, *Stephani* Banni Boffenensis gnata, ex quâ (præter sobolem maturè mortuam) filias binas Regnorum heredes, *Mariam* scilicet & *Hedvigen*, suscepit: quarum altera *Sigismundo* Brandenburgico, postea Imperatori & (per eam) Hungariæ Regi; altera verò *Jagelloni*, Lithuanix Duci, nupsit, eique Poloniæ regnum (â morte *Casimiri* R. ipsius affini *Ludovico* oblatum) attulit. Ipse demum *Ludovicus* an. MCCCLXXXII. vitam cum morte commutavit, & Albæ Reg. in basilica D. *Stephani* sepultus est.

II.

SIGISMVNDVS.

S. LADISLAVS. REX. *Effigies S. Ladislai, cum bipenni & globo.*

SIGISMVNDI. D. G. R. VNGARIE. *Insignia Hungarico-Bohemica.*

Ludovico fatis functo in Regno Hungariæ successit MARIA, major natu filia, desponsata SIGISMVNDI, *Caroli IV.* Imperatoris Bohemiæque Regis (ex *Elisabetâ* Pomeranâ) filio,

an. MCCCLXVIII. nato, & â quinto ætatis anno Brandenburgico Marchioni. Hæc, sponso adhuc minorenni ab Hungaris coronata, (*Bonfinio* aliisque testibus) se non tam Reginam quam Regem gessit, imo monetam cum epigraphæ: MARIA REX HVNGARIAE, signasse dicitur. (vid. *Bernh. Zechen Durchl. Regenten. Saal/* pag. 460.) Sed, quoniam Palatinus Regni, *Nicolaus de Gara*, auctoritate iniuria, qua apud Reginam ejusque matrem polluit, abusus, Optimates asperè tractavit, hi muliebris imperii pertæsi, CARO-LVM *parvum*, Regem Neapolitanum, *Ludovicum* ex fratre nepotem, in Hungariam evocârunt, eundemque an. MCCCLXXXIV. diademate ornârunt regio. Attamen is paullò post, Reginae matris instinctu, in arcè Budensi â *Blasio Forgatsch* lethali plaga cæsus & in carcerem conjectus fuit, ubi vel ex vulnere, vel veneno immisso, animam exhalavit. Hinc sola denuò regnavit *Maria*, quam licet *Johannes de Horvath*, Croatiae Bannus, in itinere captam (matre ipsius *Elisabeta* flumine suffocatâ) in vinculis habuerit, mox tamen, *Sigismundo* ejus sponso adveniente, fuit dimissa; qui illam an. MCCCLXXXVI. duxit, simulque solenni ritu coronatus Hungariæ Regnum adiit.

Hôc pacto igitur SIGISMVNDVS Hungariam adeptus, per LII. annos ei præfuit, & quidem variâ admodum sorte, cùm nec victoriosis Turcarum armis par fuerit, nec apud desciscentes subditos semestrem horridi carceris squalorem potuerit evitare. Eluctatus autem tot molestiis, an. MCCCCXI. post obitum *Jodoci*, Marchionis Moraviae, *Romani Imperatoris* dignitatem obtinuit, nec non degeneri fratri *Wenceslao*, an. MCCCCXVIII. mortuo, in Regno *Bohemiae* successit.

Combinatorum ita per *Sigismundum* nostrum *Hungaria Bohemiaq.* regnorum memoriam præfens nummus conservat, utpote cujus averso latere Insignia ex utriusque regni symbolis quadripartita occurrunt. Mammæ tæniæ primi ultimi-que laterculi *Hungariam* denotare, suprà vidimus: Secundi autem tertiæve quadrantis Leo coronatus, ac bifurcatâ caudâ conspicuus (*à double queue, passée en sautoir*) *Bohemia* designat; cujus scutarie tesserae origo ad *Vladislaum II.* referri solet, quem *Fridericus I.* Imp. (ob præstitam sibi in expeditione Mediolanensi operam,) in Comitibus Ratisbonensibus titulo *Regis Bohemiae* ornavit, simulque insignium loco Leonem ipsi contulit. An autem veritati congruum sit, quod vul-

gò additur, Bohemos scilicet Leonem, caudâ inter crura absconsâ pictum, simiam arbitratos atque averfatos esse, ideòque Imperatorem sanxisse, ut in posterum cauda Leonis hujus fingeretur duplicata sive gemina, alii viderint. De imagine *S. Ladislai*, altero nummi nostri latere expressâ, dicere non attinet; *Siglas* verò V. & K. eidem additas me ignorare lubens fateor, nisi quod locum aliquem monetalem (ubi nummus fortè cusus) indicare suspicer, uti postea ex literis N. B. & K. B. simili situ in aureis hisce aliisque Regum Hungariæ nummis frequenter occurrentibus, patebit. An autem *Vacia*, vel *Varadinum*, aut aliud regni hujus locus iis denotetur, non ausim determinare.

Quod reliquum est, *Sigismundus* noster an MCCCCXXXVII. die IX. Decemb. Znoimi in Moravia decessit, ex secundâ conjuge, *Barbarâ, Hermannii* Comitis Cilejensis filiâ, (incontinenti admodum sceminâ) unicam saltem filiam, *Elisabetam*, relinquens, quæ *Alberto* Austriaco nupsit, eique procerum consensu paterna regna attulit.

III.

ALBERTVS.

S. LADISLAUS. REX. *Effigies S. Ladislai, cum bipenni & globo.*

AL-

ALBERTVS. D. G. R. VNGARIE.

Insignia Hungarico-Bohemica.

Rarissimum hunc nummum aureum, quem in plurimis, iisque aliis instructissimis, gazophylaciis frustra quæsieris, ALBERTVS *Austriacus*, præcedentis *Sigismundi* gener, signari curavit. Habuit is patrem cognominem, Archiducem Austriæ, matrem verò *Johannam*, Bavarix Principem; quibus parentibus circa finem sæculi XIV. in hanc lucem fuit editus. *Elisabetam*, *Sigismundi* Imp. nec non Hungariæ Bohemixque Regis filiam, eo adhuc vivo an. MCCCCXXII. duxit, à moribundo autem utriusque regni proceribus tanto pondere fuit commendatus ut illum non inviti Regem salutaverint. Factum id an. MCCCCXXXVIII. & quidem ab *Hungaris*, ipsis Januarii calendis, à *Bohemis* verò sequenti Majo mense. Nec obstitit adversus *Henrici Ptarsconis*, *Alscionis Sternbergii*, aliorumque malevolorum Bohemorum factio, quâ *Casimiro*, Poloniæ Principi, Regisque *Vladislai* fratri, *Bohemia* regnum oblatum fuit; *Albertus* enim, armatâ manu Bohemiam ingressus, procellam istam facile discussit, & Pragæ die XXIX. Junii (quæ SS. Petro ac Paulo Apostolis sacra est) diadema regium obtinuit. Vtriusque igitur regni,

tam *Bohemici*, quàm *Hungarici*, insignia, eodem quadripartito situ, quo sese præcedenti nummo nobis obtulerunt, præsentem etiam aurco (alterâ facie solennem *S. Ladislai* effigiem, siglasque monetales K, L. exhibenti) meritò impressa sunt.

Interim verò istis, quos diximus, *Alberti* honoribus adhuc major dignitas accessit. Eodem enim an. MCCCCXXXVIII. d. XX. Martii, in defuncti foci *Sigismundi* locum, unanimi procerum consensu *Imperator* fuit electus, adeoque raro admodum exemplo intra semestris spatium tres coronas, easque Christiano orbe celeberrimas, adeptus est. Sed ô vitream fragilemque dum maximè splendet Fortunam! Optimus hic Princeps, productioni vitæ dignus, maturè nimis tot tantisque ornamentis excidit. Nam, sequenti anno MCCCCXXXIX. cum turbis Bohemico-Polonicis feliciter compositis, adversus *Amurathem*, Turcarum tyrannum, Hungariæ infestum, aciem instrueret, castrensi dysentericæ morbo correptus, nec non intempestivo peponum sive melonum esu langvidior, in pago Nesmel sive Langendorf, ætatis anno quadragésimo quinto, imperii & regnorum secundo, obiit. Vxorem autem reliquit gravidam, ex qua jam antea (præter *Georgium Bezzubium*) filias binas, *Annam* scilicet, *Wilhelmo*

belmo Saxonix Ducis, & Elisabetam, Casimiro
Polonix Regi nuptam, suscepit.

IV.

VLADISLAUS.

S. LADISLAUS. REX. *Effigies S. Ladislai,*
cum bipenni & globo, additisque literis
H. G.

WLADISLAUS. D. G. R. VNGARIE.
Insignia Hungarico-Polonica.

PRecedens equidem *Albertus* Austriacus, fato
suo functus, viduam *Elisabetam* uterum fe-
rentem reliquit, adeoque subditis spem fecit,
fore, ut ex illa iplis Rex sibi que successor nascere-
tur. At incertum hunc regii partus exitum (Re-
ginâ ipsâ augurante, se puellam edituram) Hun-
gari noluerunt præstolari, sed potius VLADIS-
LAVM, Polonix Regem, *Jagellonis* (in baptismo
Vladislai dicti) ex *Sophia* Kijoviensi filium, an.
MCCCCXXIII. natum, & patri anno MCCCC-
XXXIV. mortuo in amplissimo Sarmatix regno
suffectum, sibi dominum elegerunt, eumque mis-
sis legatis sollicitarunt, ut quantocyus in Hungari-
am adventans, regni diadema & insignia capef-
feret.

Interca peperit Regina puerum, qui *Ladis-*
laus

laus appellatus est, eundemque (Legatis, qui ad evocandum *Vladislaum* in Poloniam profecti erant, nequicquam revocatis) vix quadrimestrem, Albæ coronari fecit; imò sanctam insuper Hungarorum Coronam, quam coelo missam perhibent, muliebri astu surreptam, unà cum puero secum, primò Posonium, deinde verò in Austriam deduxit ad *Fridericum III.* Imp. cujus tutelam imploravit & præsidium.

Dum hæc geruntur, *Vladislaus*, audito de herede regni nuncio parum aut nihil commotus, sed potius oblatos sibi honores utrâque manu amplectens, magnis itineribus in Hungariam properavit; Albamque Regalem an. MCCCCXL. ingressus, ob defectum Coronæ, ad inaugurationem Regum aliàs adhiberi solitæ, diademate aureo, statux *S. Stephani* Hung. R. (vel ipsius cranio) detractò, coronatus est.

Præsentem igitur nummum nostrum hic *Vladislaus*, ut Rex Hungariæ, signari curavit, eidemque præter *S. Ladislaum* Regem, ignotis nobis siglis H. B. stipatum, Insignia *Hungarico-Polonica* impressit. Quadripartitus enim averse partis clypeus laterculo primo tenias *Hungaricas* complectitur; secundum implet *Aquila Polonica*,
 cuius

cujus originem vulgò inde arcessunt, quòd *Lechus*, gentis conditor, cum exstrueret Gnesnam (Principis olim, nunc primarii Antistitis sedem) nidum aquilarum candidarium repererit, haut vulgare candidæ sortis, futurique florentissimi imperii augurium. Quà de re à *miri Spenerus*, Op. Herald. pt. II. c. XXX. p. 689. alijque scriptores possunt consuli. Laterculum tertium occupat eqvès cataphractus *Lithuania*, cujus magni Ducatus rector *Jagello* (*Olgerdi* filius) ac *Vladislai* nostri pater Christianam fidem an. MCCCLXXXVI. amplexus, & in sacro regenerationis lavacro *Vladislaus* dictus, duciâ *Hedwige*, *Ludovici* M. Hungariæ Poloniæque Regis filiâ, eundem coronæ Poloniæ annexuit, quâcum in hunc usque diem firmiter conjunctus est. Quartò denique laterculo Crux duplex sive Patriarchalis exhibetur, quæ iterum ad *Hungariam* spectat, Regique *Stephano* circa annum M. ob strenuè navatam in religionis Christianæ propagatione operam, à Romano pontifice donata dicitur. Meretur autem singularis in hoc nummo crucis istius forma notari, quæ ita comparata est, ut scuti marginem non attingat, (*croix alaise* faciales Galli appellant;) cum sæculis sequentibus Hungariæ Reges eandem crucem è corona erumpentem, colloquioque triplici insistentem, finxerint.

Ceterum *Vladislaus* hic brevi admodum tempore, & vix quadriennio, rerum Hungaricarum potitus est. Nam, licet fortissimi herois, *Johannis Hunniadis*, (de quo nobis mox amplior dicendi occasio nascetur) incomparabili virtute suffultus, insensissimos Christiani nominis & imprimis vicinæ Hungariæ hostes, Turcas, aliquoties superaverit, nec non *Amurathem* ipsorum Imperatorem eo adegerit, ut pacem petere coactus, ejusque leges sibi dare passus sit. Pontifici tamen Romani *Eugenii* consiliis, subornatique aò ipso *Juliani* Cardinalis persuasu, *Vladislaus* magnò suo malò datam *Amurathi* fidem temerè fregit, eumquè tale nihil opinantem denuò bello petiit. Ad Varnam itaque, Ponti Euxini urbem, (quæ veterum Dionysiopolis est) manibus armisque confertis, victoria primo quidem Hungaris favere visa est; At, postquam *Amurathes* fæderis à *Vladislao* rupti tabulas, non sine seriâ vindictæ, à Christo, si verus Deus esset, fœdis fragis nominis sui cultoribus (imò contemptoribus) immittendæ postulatione, produxit; versâ belli aliâ Christiani gravissimam cladem passi sunt, ac ipse *Vladislaus* Rex, paullo incautiùs in hostes irruens, occubuit: cujus amputatum caput, haste infixum, per omnem Asiam Græciamque, tropæi loco, ut luculentum victoriæ (quamvis non incruentæ)

ta) signum, circumlatum est. Factum hoc an.
MCCCCXLIV. pridie festi S. Martini, notissimisque
versibus (quos apud *Petrum de Reuva*, Monarch.
Hung. Cent. V. aliosque legas) ab occumbente quasi
Vladislao prolatis, celebratum est:

Romulida Cannas, ego Varnam clade notavi:

Discite mortales non temerare fidem.

Me nisi Pontifices iussissent rumpere fasces,

Non ferret Scythicum Pannonis ora jugum.

V.

IOHANNES Hunniades.

S. LADISLAUS, REX. *Effigies S. Ladislai, cum
bipenni & globo, &c.*

IOHANNES, D. H. W. R. VNGARIE, GV.

Insignia Hungarico-gentiilitia.

Regio licet nomine caruerit, ob regiam ta-
men potestatem, & virtutes regias, Hungariae
Regibus annumerandus venit IOHAN^NES
De *Huniad, Vladislai Regis VNGA-
RIÆ GVbernator*, qui præsentem nummum si-
gnari curavit. Fuit is *Buthonis* cujusdam, nobi-
lis Valachi, filius, quem ex *Elisabetta Paleologa*,
Byzantinorum Imperatorum stemmate prognata,

genuit; quamvis non desint, qui dicant, ipsum *Sigismundi* Imp. filium nothum, vel (ut honestius solet efferri) naturalem fuisse, è virgine nobili in confiniis Hungariæ Transsylvaniæque genitum: quod aliquam veri speciem habere putat. *Sigismundus à Bircken/* libro, quem vocat *Deßterr. Ehren-Spiegel/* l. V. c. X. p. 628. cum *Johannes* noster in his oris arcem *Hunniad*, inter *Claudiopolin* & *Varadinum* sitam, (unde ipsi posterisque *Hunniadum* cognomen adhæsit) extruxerit & inhabitaverit. Aliàs etiam *Corvinus* dici solet, cujus agnominis originem scriptores eò referunt, quod majores ipsius, ex antiquis Gothis orti, cum vetustissima Romana gente *Corvinorum* (quæ vicinæ *Croatia* nomen *Corvatiæ* dedisse dicitur) matrimonijs juncti fuerint. Quidquid hujus rei sit, *Corvinum* nomen adhuc insignia *Hunniadis* loquuntur, quæ cum avem genti isti cognominem, *corvum* scilicet, exhibeant, ad illud tesserarum gentiliciarum genus pertinent, quas Galli *armes parlantes*, h. e. insignia æquivoca vel paronomastica appellant.

Evidens hoc est in aureo nostro, quem proponimus. Nam istius quadripartiti scuti prima & quarta areola toenias *Hungaricas*, nec non secunda crucem ejusdem Regni Patriarchalem continet;

in

in tertio autem quadrante *Corvus* occurrit, qui an-
nulum rostro tenet, & *Corvinorum Hunniadum*
dux gentilitium est. Corvo enim isthoc annuli-
gero in sequentis *Matthia Corvini*, Hung. Regis,
huiusque *Johannis* filij, nummis nihil frequentius;
quos etiam inde vulgò *Ducatos corvinos*, *Ka-*
ben Ducaten/vocare solent. Et licet sint, qui pu-
rent, *Matthiam* primùm scutariam illam tesseram
assumissse, in memoriam Corvi cujusdam, qui ma-
tri suæ annulum pronubum furatus sit, sed mox eun-
dem, adstantium telis petitus, restituerit; (quod etiam
haud ità pridem *Julius Pflugius*, in Epistola ad Ill.
Seckendorff. de Bibliotheca Budensi, sibi persuadere
passus est;) vel ipso tamen nummò nostro commen-
tum hoc exploditur, cùm ex eo pateat, jam ante
Matthiam, ipsius patrem *Johannem* gentilitio
isthoc Symbolo, ad *Corvinorum* agnomen alluden-
te usum esse.

Quod reliquum est & præcipuum, *Johannes*
hic duorum Hungariæ Regum, *Vladislai* scilicet,
(de quo antea diximus) & *Ladislai*, (de quo mox
dicturi sumus) Gubernator sive pro-Rex, & supre-
mus belli Dux fuit adversus Turcas, quos tanta animi
virtute est aggressus, ut (præter varias leviores velita-
tiones) septem insignes victorias ab ijs reportaverit.

Neque defuit justum tantæ fidelitati præmium, cum *Ladislaus* fortissimum hunc Libertatis Pannonicæ vindicem Comitatu *Bistritiensi* in Transsylvania sit muneratus. Tandem morbo correptus, Semli-
ni an. MCCCCLVI. eò ipso tempore, quo sacro mo-
rientium Christianorum viatico instructus fuit, obiit;
ex *Elisabeta Gherebi* binos filios, *Ladislaum*
& *Matthiam*, relinquens, nec non filiam unicam
Beatricem, quæ primùm *Bernhardo*, Comiti
Frangipanio & Madrucio, deinde verò *Georgio*,
Marchioni Brandenburgico-Onoldino, elocata est.

VI.

LADISLAVS.

S. LADISLAVS. REX. *Effigies S. Ladislai*
cum bipenni & globo. K. G.

LADISLAVS. D. G. R. VNGARIE. *Insignia*
Hungarico-Bohemica, &c.

LADISLAVS hic fuit posthumus ille *Alberti*
Austriaci imperatoris, Hungariæque & Bo-
hemie Regis, (ex *Elisabeta*) filius, cujus su-
pra mentionem fecimus. Is *Vladislao* mortuo,
paterna regna tandem consecutus est; Sed quo-
niam

niam nondum adultus fuit, *Bohemiā* (cujus imperium *Albertus* Baviaræ Dux rarâ animi magnitudine recusaverat) *Georgius Podiebradus, Hungariā* vero *Johannes Hunniades* ipsius nomine administravit. Anno tamen MCCCCLII. cū duodecennis esset, tutelâ *Friderici* Imp. egressus, ipse imperii habenas arripuit; quas satis laudabiliter moderaturus fuisset, nisi lubricâ istâ juvenili ætate, improbis quorūdam malè feriatorum hominum (inprimis *Vlrici* Cilejensis Comitis, aliorumque) consiliis plus æquo obtemperasset. Insignem quoque ipsius famæ maculam adpersit iniquum *Ladislai Corvini* (præcedentis *Johannis* filii) supplicium, quem maximorum fortissimi parentis meritorum immemor, ob perditissimi (quem diximus) *Vlrici* Cilejensis cædem, contra fidem toties datam capite plecti jussit. Attalia juventutis *μαρμαρα* forsan succedente maturiori ætate emendasset *Ladislaus* noster. Verū id nimis præcocia Principis hujus fata non permiserunt. Is enim an. MCCCCLVII. Pragæ Bohemorum, ubi sponsam suam *Magdalenam Caroli VII.* Galliæ Regis filiam, præstolabatur, ut illam regio Thalano exciperet, improvise corporis langore correptus, duodevigesimo ætatis anno vivis excessit; non sine veneni suspitione, quod â fœmina, pomum

num venenato cultro dissectum ipsi porrigente, profectum esse dicitur.

Jam quod ad nummum nostrum attinet, prior sive adversa illius pars, *S. Ladislai* effigiem præferens, exceptis siglis monetaribus K. G. (quæ sibi Oedipum aliquem ex Hungaria postulant) à præcedentibus aureis nihil differt. Abludunt autem ab ijs averſi lateris insignia. Nam, licet primus eorum quadrans solenni more tenias *Hungaricas*, secundus verò Leonem *Bohemicum*, duplici cauda satis notabilem, comprehendat; Tertio tamen latere occurrit fascia Archiducatus *Austria*, luculentum virtutis bellicæ *Leopoldi VII.* Ducis monumentum, quem alibi, ob reportatam in expugnatione Ptolemaidis vestem planè cruentam, quæ prius candida fuerat, eâ solum parte excepta, quam militaris baltheus contexerat, Symbolo huic gentilitio originem dedisse, memoravimus. Ultimū denique Clypei quadrantem Aquila implet, dubio procul ad *Silesiam* (Regno Bohemiæ subditam) referenda, cujus incolæ *Ladislao* Regi, an. MCCCCLIV. Vratislaviæ præſenti, solenni ritu homagium præstiterunt.

VII.

MATTHIAS I.

S. LADISLAUS. REX. *Effigies S. Ladislai, cum bipenni & globo, &c.*

MATHIAS. D. G. R. VNGARIE. *Insignia.*

E Carcere ad Regnum pervenit, mirâque factorum vicissitudine compedes & vincula cum corona & sceptro commutavit hic MATTHIAS *Corvinus*, natu minor *Johannis Hunniadis*, celeberrimi illius Hungariæ Pro-Regis, filius. Nam, ex quo frater ipsius *Ladislaus*, ob perpetratam *Vlrici* Cilejensis cædem, capere multatus est, etiam *Matthias* hic, unâ cum aliis Hungariæ proceribus, facinoris istius conscius, fuit captus & custodiæ traditus. Imò *Ladislaus* Rex illum eo tempore, quo Pragæ in solenni nuptiarum apparatu obiit, ex Austria in Bohemiam deferri curavit; vel certe *Georgius Podiebradus*, Prorex & *Ladislai* in hoc regno successor, id fecit, qui ad istam captivi juvenis translationem imperandam, annulo signatorio, mortui Regis digito detracto, abusus esse dicitur. At paullò post *Matthias* ille decimo septimo ætatis anno Rex *Hungaria* electus fuit, cujus novæ dignitatis libertatisque nuncium *Georgius Podiebradus*

bradius ipsi letus impertivit, ac simul filiam suam *Catharinam* sponsam obtulit. Hæc igitur ductâ, & dotis loco magna pecuniæ vi, quam mater ejus, *Johannis Hunniadis* vidua, ut lytrum filii Bohemix Regi promiserat, retentâ, *Matthias* noster Hungariæ regnum adiit, quanquam (ob diadema regium prius à *Friderico* Imp. redimendum) non nisi post quinquennium, anno scilicet MCCCCLXIII. coronatus fuerit.

Magnâ autem fortitudinis, humanitatis, magnificentix, ac aliarum Principe dignissimarum virtutum laude *Corvinus* hic Pannoniæ regnum administravit, variis contra Turcas expeditionibus susceptis, bellisque adversus vicinos Austriæ ac Bohemix rectores gestis, celebris; uti nobilis Poëtæ, *T. Alexandri Cortesii de Matthia Corvini* laudibus bellicis Carmen pluribus testatur. Sed & literas amavit, & literatos fovit, ideoque Budæ egregiam ac sumptuosissimam *Bibliothecam* instruxit, quam unâ cum cætero aulae cultu prolixè describit *Antonius Bonfinius*, Rer. Vngar. Dec. IV. Lib. VII. De reliquiis autem celeberrimæ hujus Bibliothecæ, à Turcis in expugnatione Budæ direpte, consulenda peculiaris (nobisque supra memorata) *Julii Pflugii* ad III. *Seckendorffium* Epistola, fata Bibliothecæ Budensis, ac librorum in
ultima

ultima expugnatione repertorum Catalogum exhibens, quæ an. MDCLXXXVIII. Jenæ prodiit. Quibus interim volupe est, ornatum librorum istius Bibliothecæ noscere, unum alterumvè illius specimen, æri incisum, in eximius *Petri Lambecii* de Bibliotheca Cæsarea Vindoboniensi Commentariis videre poterunt.

Ad ista verò literarum, vitæque cultioris studia, haud parum contulit *Beatrix* altera *Matthiæ* uxor, *Ferdinandi* Regis Neapolitani filia, quam eruditam, splendidam, & omnium elegantiarum amantissimam principem, *Corvinus* noster, post obitum prioris conjugis *Catharina* Bohemicæ, an. MCCCCCLXXVI. secundis nuptiis sibi copulavit, tantique fecit, ut (illo ipso, quem antea laudavimus, *Bonfinio* teste) amatae hujus uxoris svasu vivendi mores planè immutaverit. Interim famen ex neutro conjugio liberos suscepit; sed filium nòthum habuit, *Johannem Corvinum*, quem valdè dilexit, & probe educatum, multis in Hungaria prædiis ditavit. Apoplexiâ tandem, eâque satis asperâ, *Matthias* hic Viennæ obiit, an. MCCCCXC. ætatis septimo post quadragesimum, Danubioque flumine in Pannoniam delatus, Albæ non sine magno suorum luctu sepultus est.

Restat, ut de nummo hujus Regis dicamus. Is solito quidem more ornatam *S. Ladislai* R. effigiem præfert; sed illa præter monetalem siglam N. dextro lateri additam, ad sinistram adhuc peculiari clypeo stipata est, cui *rotam* septem radiorum inscriptam videas. Quorsum hoc spectet Symbolum, (quale in Germania nostra Elector *Moguntinus*, Episcopus *Osnabrugensis*, civitas *Erffurtensis*, aliique Imperii status gerunt) me latere, lubens fateor. Loci tamen cujusdam Hungariæ notam esse suspicor, ubi nummus fortè signatus est. Unde etiam præcedenti *Johannis Hunniadis* (*Matthia* hujus parentis) aureo scutulum tale impressum cernas, transversim sectum, binisque (ni fallor) *catenulis*, diagonali situ sibi invicem impositis, oneratum. (*Coupe, de... à deux chaines de... mises en sautoir.*)

Adversæ partis majora insignia, quadripartita sunt, primusque & secundus laterculus *divyus* *Hungaria*, tæniæ scilicet & crucem patriarchalem, complectitur. Succedit laterculo tertio Corvus cum annulo, suprâ memoratum *Corvine* gentis Symbolum: Qualem aviculam etiam quandoque solam, in aliis *Matthia* hujus nummis aureis, imagini *S. Maria* sub stare videas, unde iidem vulgò, ceu dixi-

diximus *Corvinorum Ducatorum* (*Raben-Ducaten*) nomen obtinent. Nec omittenda singularis muliercularum Hungaricarum superstitio, quâ nummos tales, corvo signatos, præsentissimum in difficili partu remedium esse putant, adeoque scæminis, cum ægrius enituntur, ejusmodi aureum applicant, & popliti alligant; qua de re *Gvil. Ern. Tenzelii* Colloquia menstr. an. MDCLXXXIX. mense Ian. aliique libri consulendi sunt. Quid autem sibi vult *Leo* iste, qui ultimo clypei nostri laterculo inscriptus est? *Bohemiat*eseram! fortè dices, cujus regimen an. MCCCCLXIX. vivo adhuc *Georgio*, à proceribus nonnullis, Hussitarum factioni adversis, *Matthia* Regi oblatum fuit. Sed obstat Leonis hujus collocatio; qui, si amplissimum Bohemiæ regnum denotaret, non in extremum parmulae locum reiiciendus, nec Symbolo gentilitio Corvinorum postponendus fuisset. Deinde etiam situs repugnat: Nam Leo Bohemicus vulgò corpore erecto & posterioribus pedibus insistens (*Gallis rampant*) exhiberi solet; Hic noster autem planè resupinus, & veluti diagonalis situ (*enbarre*) positus conspicitur. Accedit, quod *Johannes de Zapolia* in Hungaricis nummis suis eodem *desynese* usus fuerit, cui tamen nihil unquam juris in Bohemiam fuisse, exploratæ veritatis est. Alia igitur leoni isti patria querenda erit,

Bosnia scilicet, *Croatia* & *Dalmatia*que vicinia provincia, quam *Matthias* noster an. MCCCCLXIII. Turcis eripuit, eosque anno sequenti *Jaizani*, regionis metropolin, repetituros, solâ adventus sui famâ adeò terruit, ut obsidione subito solutâ, præcipiti fugâ sibi consuluerint.

VIII.

VLADISLAVS II.

S. LADISLAVS. REX. *Effigies S. Ladislai, cum bipenni & globo, &c.*


VLADISLAVS. R. VNGARIE. *S. Maria*
ΤΕΥΧΟΣ *solio insidens.*

M *Atthia* mortuo, Hungariæ regnum varii ambierunt proci; sed illud tandem VLADISLAVS, Rex Bohemiæ, (qui *Georgio Podiebradio* an. MCCCCLXXI. successerat) obtinuit. Fuit hic *Casimiri*, Poloniæ Regis, filius, ex *Elisabeta* Austriaca (*Alberti* Imperatoris, Bohemiæque & Hungariæ Regis, filia) an. MCCCCLVI. natus, Princeps admodum mitis & placidus; qui si fuisset paullo bellicosior, non licuisset Turcis, ipso imperante tam impunè in Hungaria grassari, quam vistamen non negandum, iis unum alterumve generosum

rosū belli dūcem plus vice simplici fuisse oppositum. Nuptias hujus Regis, adhuc cœlibis, quaesivit equidem *Beatrix* Neapolitana, decessoris ipsius *Matthiae Corvini* vidua, sed non impetravit; causante partim *Vladislao*, sibi ut Bohemiæ Regi certâ lege interdictum esse, viduam ducere; partim verò Hungaros suos Reginam postulare (quæ principis successoris ex eâ nascendi spem ipsis faceret. Ad alias itaque nuptias animum adiecit *Vladislaus*, sibi quæ an. MDII. uxorem Gallicam, *Annam* Foxian (de Foix) filiam *Johannis Gastonis*, Comitris Candalix, à clarissimis Navarra Regibus genus ducentem, copulavit; ex qua præter *Ludovicum* successorem, de quo mox dicendum erit, an. MDIII. filiam matri cognominem genuit, quæ *Ferdinando* Austriaco (*Philippi* I. Hisp. R. filio, & *Maximiliani* I. Imp. nepoti) fuit elocata, ideòque maxime hœc loco notanda venit, quod amplissima *Hungaria Bohemiaque* regna per eam denuò ad illustrissimam gentem Austriacam (quæ ipsis hodieque imperat) pervenerint. Tandem *Vladislaus* hic an. MDXVI. sexagenarius Budæ obiit, & Albæ juxta cœteros Pannoniæ Reges fuit conditus.

In nummo ipsius aureo, quem exhibemus, post effigiem *S. Ladislai*, & obscuriora signa menot-


lia,

lia, novus averſi lateris typus obſervari meretur;
S. Maria  ſcilicet, tutelaris illa Hungariæ
 Diva, quã variis huius regni nummis impreſſã videas.
 Nam, præter aureos, etiam argentei unciales extant,
 candem imaginem præferentes, cum perigraphæ:
 S. IMMACVLATA VIRgo MARiA MATer DEI
 PATrona HVNGARiæ; cœu in Sylloge noſtra (Impe-
 ratorum unciales exhibente) p. 143. videre eſt. Sed
 & notari debet *aquila*, expansis alis ſub effigie
θεοτόκου virginis conſpicua; hæc enim gentilitia
Vladislai teſſera eſt, & *Poloniam* Regis huius pa-
 triam designat.

IX.

LVDOVICVS II.

S. LADISLAUS. REX. 1519. *Effigies S. Ladis-*
lai armati, cum bipenni & globo. K. G.

LVDOVICVS. D. G. R. VNGARIE. *S. Maria*


V *Ladislao* è vivis ſublato in utroque Hun-
 garie Bohemieque regno ſucceſſit LV-
 DOVICVS filius, an. MDVI, ex *Anna*
Foxia, Candalie Comite, ſuſceptus; de quo
Joannes Sambucus in Appendice Rerum Hunga-
 rica-

ricarum (*Bonfinii* Decadibus subnexâ) observat, patrem ipsi *Julii* nomen destinâsse, sed à Gallica matre (puerperio isto mortuâ) *Ludovici* appellationem substitutam fuisse. *Immaturus* aliàs hic Princeps vulgò audit; nec immerito, cum omnia ejus fata immaturâ fuerint. Immaturo enim in hanc lucem fuit editus, adeoque verè *ante Diem natVs.*, cum sine extrema cure, quam *imdesperanda* vocant, matris alvo egressus sit, ac proinde Medicorum ope, ad conciliandam arte & inunctionibus cuticulam, eguerit. *Ninûs* etiam immaturè Regia dignitas ipsi fuit collata, cum patre adhuc vivo binulus trimulusve Pannoniæ Bohemiæque diadema obtinuerit, & vix decennis ei mortuo in utroque regnò fuerit suffectus. Immaturum quoque fuit Regis hujus matrimonium, decimo quinto ætatis anno cum *Maria* Austriaca (*Philippi* I. Hisp. R. filiâ, & *Maximiliani* I. Imp. nepte) initum; cujus leges pater ipsius *Vladislaus*, an. MDXIV. Viennæ præfens, unâ cum *Maximiliano* Imp. reciproco isthòc fœdere sanciverat, ut quemadmodum *Ludovicus* *Mariam* esset ducturus, ita alter nepotum *Maximiliani*, *Ferdinandus* scilicet aut *Carolus*, filia *Vladislai*, *Anna*, jungeretur. Quâ de re meretur legi *Joannis Cuspiniani* Diarium de con-

gressu Caesaris *Maximiliani* & trium Regum, &c. quod annexum est operi ejus de Caesaribus, p. 496. sqq. nec non ipse Contractus matrimonialis, quem supra laudatus *Joannes Sambucus* Appendici suæ Rerum Hungar. p. 738. inseruit. At inimaturus tandem maximè fuit Regisistius ex hac vita exitus. Dum enim an. MDXXVI. contra *Solymannum*, Turcarum Imperatorem, Hungariæ infestum, aciem instruxit, manusque cum eodem ad oppidū Mohacz conferuit, non tantum victus & fugatus fuit Hungarorum exercitus, sed ipse etiam *Ludovicus* Rex, vitæ suæ consulturus, in lacu quodam, ex Danubii stagnatione orto, infausto equi lapsu suffocatus, vigesimo primo ætatis anno miserè periit. Cujus tragici casus historiam nemo accuratius consignavit *Stephano Broderitho* (sive, ut se ipsum vocat, *Broderico*) Regis hujus Cancellario, qui infelici isti expeditioni interfuit, eamque summa fide & industria descripsit, ut ex relatione ipsius, Wecheliana *Bonfinii* editioni p. 757. additâ, perspicuum est.

Quod nummum *Ludovici* hujus concernit, quem Tabula nostra exhibet, is *S. Ladislaum* paullo aliter effectum refert, ac præcedentes aurei. Tortus enim quantus *loricatus* est, literisque K. G. (loci monetæ procul dubio indicium) stipatus; licet solita

solita utriusque manûs gestamina, bipennis scilicet
& globus cruce signatus, non deficient. Aversique quo-
que lateris Diva, ad superioris nummi modum in-
fantem *θεῖον παῖτα* sinu gerens, *Lunam* crescentem
sub pedibus habet; quâ formâ vulgò aliquot abhinc
seculis *B. Mariam* pingere aut sculpere solenne
fuit, cum de hac matre virgine majores nostri acce-
perint, quod sacris literis de Muliere Sole amictâ, &
Lunam pedibus calcante, Apoc. XII, I. proditum est.
Sub istâ autem Hungariæ Patronâ denuò *Aquila*
conspicitur, luculentum *Polonica* stirpis, qua
Ludovicus noster fuit editus, indicium.

X.

FERDINANDVS I.

S. LADISLAUS. REX. 1562. *Effigies S. Ladis-*
lai armati &c. K. B.

FER. D. G. EL. RO. IM. S. AV. GE. HV. BO. R.

S. Maria TEXVS COP.

FERdinandus hic (tàm inter Hungariæ Reges,
quàm Romani Imperii moderatores; nomi-
nis istius *primus*) Austriaci sanguinis Prin-
ceps, patre *Philippo*, Imperatoris *Maximiliani I.*

filio, matre verò *Joanna, Ferdinandi* Catholici, Hispaniarum Regis, filiâ, an. MDIII. Compluri natus, varios eosque Christiano orbe maximos honorum gradus adiit. Ductâ enim an. MDXXI. *Anna, Vladislai* II Hungariæ Bohemiæque Regis filiâ, ac *Ludovici* præcedentis sorore, affini huic, an. MDXXVI. ad Mohacz caſo, in utroque regno ſucceſſit. Et licet in Hungaria *Joannem de Zapolia*, Scepuſienſem Comitem & Transſylvaniæ Vojevodam, æmulum habuerit; contra illum tamen filiumque ipſi cognominem, (de quibus mox dicendum erit) ſuperior evaſit, ac diadema regiuni, ſibi an. MDXXVII. Albæ collatum, mâculè tutatus eſt. Acceſſit paullò poſt Regis Romani axioma, & tandem, *Carolo V.* fratre ſe imperio abdicante, ſuprema Imperatoris dignitas, quâ an. MDLVI. eſt potitus, licet titulo per biennium, fratre vivo abſtinuerit.

Hinc igitur facilè liquet, cur *Ferdinandus* in præſenti nummo noſtro *Electus Romanorum Imperator Semper Auguſtus, Germania, Hungaria Bohemiæque Rex* ſalutetur; cujus cæteroqui numismatis typus à præcedenti nihil differt, ſi adverſi lateris ſiglas monetales, & averſi ſcutulum, imaginis *S. Mariæ* ſubſtratum, excipias. Nam illæ, quæ effigiem

effigiem *S. Ladislai* stipant, literæ K. B. (in *Ferdinandi* hujus & successorum nummis sæpissimè occurrentes) designant certum aliquem Hungariæ locum, ubi aurei argenteique hujus regni nummi signantur: & quidem, vel *Kapnick Baniam*, (quæ & *Nagi Bania* audit) in Transsylvaniæ confluentem; vel potius *Kremitz Baniam*, sive *Cremnitium*, Hungariæ superioris oppidum, ad Granum flumen, in tractu illo, ubi urbes metallicæ & monetales (*die Berg-Städte*) sitæ sunt. Scutulum verò nummi nostri, quod imagini *πρωτοφύρα* virginis substernitur, fasciam Archiducatus *Austria* continet, adcoque tessera *Ferdinandi* gentilitia est; qui, postquam ex uxore supra memorata quindecim utriusque sexûs liberos procreavit, sexagenario major ari. MDLXIV. die XXV. Julii (S. *Jacobo* Apostolo sacrâ) Viennæ obiit.

XI.

IOHANNES I.

S. LADISLAUS. REX. 1534. Effigies S. Ladislai armati, &c.

JOANNES. D. G. R. VNGARIE. S. Maria

πρωτοφύρα

ENillum *Ferdinandi* I. æmulum, cujus supra mentionem fecimus. Fuit is JOANNES de *Zapolia*, Comes Scepusicensis (von *Sips*) & Transylvaniae Vojevoda, patre *Stephano* circa an. MCCCCLXXXVII. ex matre Teschinensi in hanc lucem editus. Hic, quoniam amplissimas in Hungaria ditiones tenuit, simulque magna Nobilium gratia gavisus est, non tantum vivo adhuc *Vladislao* II. Rege (quem sine mascula prole decessurum putabat) ad Pannoniæ regnum adspiravit, sed etiam effecit, ut filio ipsius *Ludovico* an. MDXXVI. mortuo, à proceribus nonnullis surrogatus fuerit. Hinc, aliis magnatum *Joanni* huic addictis, aliis autem *Ferdinandum* Austriacum Posonii in Regem eligentibus, gravissima animorum dissensio exorta est, quæ non potuit non in intestinum bellum erumpere. Uterque enim Rex coronam sibi impositam armis tueri voluit, & quidem *Joannes* noster tantò acrius, quantò truculentior ipsi animus à natura fuit concessus; quem *Vladislao* imperante satis prodidit, dum *Georgium Zeckelium*, rebellium rusticorum ducem, non tantum coronam candente excruciarî, sanguinemque ipsius Germano fratri propinari iussit, sed vivum quoque triginta sociis, triduo fame macera

cæcis, belicarum in morem dentibus dilaniandum tradidit.

Prævaluit autem *Ferdinandus*, conscriptoque exercitu æmulum suum eò adegit, ut relicta Hungaria in Poloniam se recipere coactus sit. Sed quid non exulis aut rejecti Regis furor designat? *Joannes* hic quæsit in Polonia apud *Sigismundum* R. (ex sorore *Barbara* affinem suum, posteaque socerum) suppetias non inveniens, evocato in Pannoniam *Solymanno*, Turcarum Tyranno, se regnumque suum in tutelam obtulit: qui numerosissimo exercitu Hungariam ingressus, Budam cepit, eandemque *Joanni* exuli restituit; immò in ipsam penetravit Austriam, ac Viennam metropolin obsedit, quam tamen expugnare non potuit, sed mox soluta obsidione domum est reversus, quod an. MDXXIX. exeunte accidit.

Tandem binī isti Hungarix Reges, tantorum motuum pertæsi, de pace ineunda cogitârunt, quæ *Caroli V.* Imp. aliorumque Principum operâ an. MDXXXVIII. Varadini fuit firmata eâ lege, ut *Johannes* quidem, quoad viveret, regio titulo Budæque regni sede uteretur, sed eò mortuo omnis Hungaria ad *Ferdinandum* vel ipsius posteros rediret. His autem pactis haud diu superfuit *Johannes*, sed,
post-

postquam *Isabellam* (vel *Elisabetam*) *Sigismundi* Poloniæ Regis filiam, matrimonio sibi copulavit, genito ex ea filio sibi cognomine, an. MDXL. ætatis LIII. Sassebessi obiit, & Albæ juxta cæteros Hungar. Reges sepultus est.

Ad aureum *Johannis* hujus nummum quod attinet, is à Superioribus non est diversus, nisi quod *S. Ladulaum* utrinque sigla nobis planè ignota stipent, & *S. Maria*, ΤΕΥΟΦΟΡΩ scutum Regis *gentilitium* substratum sit, Lupi aut alterius id genus animalis πρόσωπον, è monticulo triplici erumpentem, ostendens.

XII.

JOHANNES II.

JO. SECV. D. G. ELE. REX. VN. 1570, *Insignia coronata.*

PATRONA. VNGARIE. *S. Maria* ΤΕΥΟΦΟΡΩ.

Johannes hic, nominis istius SECVndus, (cui præterea quoque *Sigismundi* nomen fuit) præcedentem *Johannem I.* patrem habuit, matrem verò *Isabellam* (vel *Elisabetam*) *Sigismundi* Poloniæ Regis filiam. Juvenis admodum

dum regiâ dignitate fuit ornatus, cum ipsi, an MDXL, paullo ante patris obitum nato, eo ipso tempore, quo sacro baptismatis fonte levatus est, proceres nonnulli coronam Hungaricam imposuerint; unde in præsentî nummo *ELECTUS REX VNgaria* appellatur.

Sed ista res maximas in Hungaria turbas peperit. Cum enim *Ferdinandus* Austriacus, legitimus Hungariæ Rex, novum illum æmulum ferre non posset, adeoque contra ipsum militem educeret; *Solymannus*, Turcarum Imperator, regijque pueri tutor, ab *Isabella* evocatus, omnem latè Hungariam vastavit, inuicem ipsam regni metropolin Budam cepit, eamque (cliente vel pupillo suo cum matre in Transsylvaniam ablegato) præsidio Turcico firmavit. Quamvis etiam *Isabella* non contemnendas pacis conditiones à *Ferdinando* obtinuerit, quibus (præter annua stipendia) filio ipsius *Johanni* regales nuptiæ *Johanna*, *Ferdinandi* filia, pactæ fuerunt; nequicquam tamen desuit res novas moliri, sed denuo Transsylvaniam, & vicinia ei loca, suo filique subjecit imperio. Immo *Ferdinando* an. MDLXIV. mortuò, *Johannes* hic, Turcicis auxiliis suffultus, omni nisu filio ipsius successori *Maximiliano II.* se opposuit. Qui licet per fortissimum

tissimum belli ducem *Lazarum Schvrendium*, cum masculè repulerit, non potuit tamen prohibere, quin prædatorius Turcarum exercitus miseram longè latèqve affligerit Hungariam.

Tandem *Johannes* iste, *Zapolia* gentis ultimus, unâ cum patre suo (ob barbaros hostes patriæ immisos) verè altera *Pannonia Helena*, eo ipso, quo nummus noster signatus est, anno MDLXX. (vel, juxta alios, sequenti) ætatis trigesimo primo, non sine veneni suspitione obiit.

In aureo ipsius, quem describimus, nova B. Virginis ~~emixu~~ perigraphæ occurrit, cum ea, solenni nummorum Hungaricorum titulo, PATRONA VNGARIE appelletur. Attamen, quid sibi velit figura ista, quæ duorum (ut videtur) gladio- rum, mucronibus deorsum versis decussatim trajectorum, speciem refert, & pedibus *S. Maria* subjicitur, non capimus.

Insignia alterius lateris, quæ corona regia (istius sæculi) aperta tegit, quadripartita sunt. Prioris quadrantis, denuò quadrifariam secti, laterculus primus ~~deſcripta~~ *Johannis gentilitium*, Lupum scilicet, vel aliam id genus feram, è monticulo triplici erumpentē, exhibet: Qualis tessera etiam sola, absque ulteriori ornatu, (nisi quod anni numerus, lunæqve

&

& stellæ figura accedat) argenteis hujus Principis uncialibus, averſa parte plane non ſignatis, impreſſa eſt, cum lemmate: *JOhannes SEcundus REX. VN-garia.* (Ita enim harum vocum compendia efferenda eſſe, & non, ut vulgò legi ſolent: *JOhannes SEpſienſis.* &c. ex auro noſtro manifeſtum eſt.) Vid. *Luckis* Syllog. Num. p. 214. Laterculum ſecundum implet crux Patriarchalis *Hungaria*; Tertium tæniæ tranſverſæ *ejuſdem regni* permeant; & quartò deniqvè (nī fallor) Leo *Bosniæ* conſpiciendus eſt. Secundus majoris ſcuti quadrans Aquilam oſtentat, quæ *Polonia* regnum designat, cui *JOhannes* noſter, ob matrem *Iſabellam, Sigismundi* R. filiam, natales ſuos debuit. Tertius quadrans Boam (ſerpentum genus) auro coronatam, gyris-que aliquot contortam, præfert, ex cujus ore infans eruentus erumpit. Hæc *Mediolanenſis* Ducatûs reſſera eſt, fabuloſâ vulgò originis traditione ad *Ottōnem* qvendam referri ſolita, qui *Volucem* gigantem, ejusmodi Symbolo ſcutario ſuperbientem, cæcidiffe dicitur. Inſeruit autem *JOhannes* noſter hoc *ſείμα* ſuo clypeo, ob aviam ſuam, *Bonam, JOhannis Galeacii*, *Mediolanenſis* Ducis, filiam, quæ in conjugio *Sigismundi* *Poloniæ* Regis vixit, & ipſi *Iſabellam* ſœpius nobis dictam,

Johannis matrem, peperit. Ultimo denique quadranti tria capita pardalina coronata inscripta sunt, quæ *Dalmatia* regnum (una cum vicina Croatia, à *S. Ladislao* Rege post mortem *Zolomeri* affinis occupatum, & Hungariæ assertum) denotar.

XIII.

MAXIMILIANVS II.

S. LADISLAUS. REX. 1576. *Effigies S. Ladislai, cum bipenni & globo.* K. B.

MAX. II. D. G. EL. RO. I. S. AV. GE. H. B. R.
Effigies S. Mariae.

F*erdinando I.* Imperatori mortuo tam in Hungariæ Bohemiæque regnis, quam in ipso Romano-Germanico Imperio successit filius natus major, *MAXimilianus*, ex *Anna* conjugē (quam supra diximus) an. MDXXVII. Viennæ susceptus, optimoque proinde jure in nummo nostro *ELecti ROManorum Imperatoris Semper AVgusti, GERmania, Hungaria, Bohemiæque, Regis* axiomaticè præditus. Is merito *secundus* audit, cum Proavus ipsius *Maximilianus I.* in suprema Christiani orbis, hoc est, Imperatoria

toria dignitate eum antecesserit. An autem pari modo etiam respectu regni Hungariæ *secundus* appellari possit, dubium est. Nam licet *Maximilianus* I. Imperator an. MCCCCXC. haud exiguam Hungariæ partem armis adquisiverit, Albâque Regali expugnatâ non tantum titulô sed etiam tessera scutariâ hujus regni usus sit, quod ipsi postea solennibus cum *Vladislao* Rege pactis fuit confirmatum; Coronam tamen Hungariæ non adeptus est, adeoque vulgò inter Pannoniæ Reges non solet numerari, unde sunt, qui nec pronepotem ipsi *ομεινόμενον* istius regni intuitu *secundum* dici posse autumant. Sed hanc litem nostram non facimus.

Fuit *Maximilianus* (inter Imperatores sine controversia *secundus*) vivo adhuc *Ferdinando*, an. MDLXIII. mense Septemb. Posonii diademate regio Hungariæ ornatus, quod etiam sequenti die uxor ejus *Mariâ, Caroli V.* Imp. filia, obtinuit. At Bohemiæ regnum ipsi jam an. MDLXII. erat collatum, nec non eximium Regis Romanorum decus, cui mox à parentis obitu Imperatorium munus fuit superadditum.

Insensum verò in Hungaria æmulum *Maximilianus* habuit, *Johannem* scilicet II. de Zapolia, Comitem Scepusiensem & Transylvaniæ Vojevodam.

dam, qui (ceu diximus) post parentis cognominis facta sibi regnum vendicans, & à *Solymanno* Turcarum Imp. adjutus, non exiguam ipsi molestiam creavit. Vtrumque igitur repulsurus *Maximilianus*, partim ipse cum exercitu in Hungariam movit, partim verò per expertos belli duces hosti se opposuit, avitque regni provincias, quantum licuit, tutatus est. Inprimis eo tempore memorabilis, illa castelli *Zigethensis* expugnatio accidit, quâ animosus heros *Nicolaus*, Comes *Zerinius*, in medios hostes irruendo mortem oppetere maluit; quàm vivum sese ipsis dedere; quâque nondum perfectâ *Solymannus* ipse, in castris præsens, obiit.

Decennio autem post, etiam *Maximilianus*, noster viventium numero ereptus fuit, anno MDLXXVI die XII. Octob. Ratisbonæ in Comitibus mortuus: Cujus aureus nummus ab eo, quem supra ab ipsius patre *Ferdinando* cufum vidimus, haud diversus est.

XIV.

RVDOLPHVS.

S. LADISLAUS. REX. 1586. *Effigies S. Ladislai, cum bipenni & globo.* K. B.

RVDOL. II. D. G. RO. I. S. AV. GE. HV. B. R.
Effigies S. Maria. RV

RVDOLpho huic *secundi* numerum non ut Hungariæ Regi, sed potius ut Romano Imperatori competere manifestum est, *Rudolphus* enim I. Habsburgicus, cui omnes sequentium sæculorum Austriaci originem debent, in Hungariam nihil juris habuit; Attamen Imperator fuit, ideoque iste, qui nobis hîc exhibetur, *Rudolphus* alter, prioris illius intuitu meritò *secundus* dicitur. Hunc *Maximilianus II.* Imp. an. MDLII. ex *Maria* consobrina genuit, eiqve adhuc vivus an. MDLXXII. Posonii regium *Hungaria* diadema imponi curavit, cui paucis annis interjectis corona *Bohemica* accessit, & tandem patre mortuo suprema *Imperatoris* dignitas, quam per sex & triginta annos tenuit.

Quod ad Hungariæ regnum attinet, id quidem *Rudolphus* noster satis pacatum adiit, durantibus adhuc induciis, quas pater ipsius *Maximilianus II.* cum Turcis pepigerat. At illis expirantibus bellum recrudit, fuitque ab an. MDXCI. per integros quindecim & quod excurrit annos vario Marte gestum, adeò ut modò Turcæ, modò Hungari superiores evaserint. Gravem quoque sub auspiciis huius sæculi *Rudolphus* adversarium nactus est,

Stepha-

Stephanum Botskay, (vel, ut in nummis uncialibus argenteis se ipsum vocat, *Stephanum Bochkay de Kismaria*.) Transsylvaniæ Principem; qui religionis libertatem à ministris regiis sibi eripi causatus, armis eandem defendere tentavit, vocatisque in auxilium Turcis, non tantum in Principatu Transsylvaniæ ab iis fuit confirmatus, sed Bosniam quoque & Serviam obtinuit. Vtramque procellam *Rudolphus* quidem haud multo post dissipavit, primum an. MDCVI. cum *Botskayo*, deinde vero etiam cum Turcis pacem inivit; Sed (quæ factorum invidia est) istâ requiæ non diu frui potuit. Nam frater ipsius *Matthias*, Archidux Austriæ, malevolorum hominum susurris motus, arma arripuit, ductoque in Bohemiam milite, ad ipsam regni metropolin Pragam, quam *Rudolphus* incolbat, castra posuit, à fratre Imperatore exigens, ut præter *designati Bohemie Regis* titulum, Coronam *Hungariae* cum omni istius regni jure sibi traderet. Vtrumque armatâ manu facile extorsit, maluitque *Rudolphus*, pacis & subditorum incolumitatis amans, Hungariâ cedere, quam iracundi fratris vim experiri; quapropter diadema regni, cum insignibus reliquis eo pertinentibus, solenni pompâ Pragâ deductum, *Matthia* Archiduci in aperto
can-

campo à Cardinale *Dietrichsteinio* an. MDCVIII.
d. XVII. Junii fuit traditum.

Redintegratà itaque inter duos hosce fratres
pace, *Rudolphus* nihilominus Hungariæ Regis ti-
tulum & insignia ad mortem usque gessit, quam an.
MDCXII. d. x. Januarii cœlebs oppetiit, licet non
planè *ἀπαις* fuerit, ut in Sylloge nostra Nummor.
uncial. Impp. p. 83. docuimus. Aureus verò ipsius
nummus, hic propositus, cum præcedenti ad amuf-
sim congruit.

XV.

MATTHIAS II.

MATTHIAS. II. D. G. REX. HVN. &c.

Effigies Matthiæ Regis coronati & ornati.

K. B.

DES. IN. REG. BO. AR. AVS. &c. 1611.

Effigies S. Mariæ.

QUod hic MATTHIAS, præcedentis
Rudolphi frater, & *Maximiliani* II.
Imp. filius, in nummo nostro *secundus*
appellatur, ob *Matthiam* Hunniadem Corvinum
fit, quem inter Hungariæ Reges *485* nominis
primum fuisse, supra vidimus. Successit autem
alter hic *Matthias* in Hungariæ regno *Rudolpho*

fratri, vel potius illud ipsi adhuc vivo an. MDCVIII. extorsit, ceu paullo ante observavimus. Et licet in præfenti aureo saltim *DESignatus IN REGem BOhemie* dicatur, quem titulum unà cum diademate Hungarico obtinuit; nihilo minus tamen eo ipso, qui hōc nummo signatur, an. MDCXI. d. XXIII. Maji Pragæ fuit coronatus, simulq; plenā regni Bohemici possessionem adiit. Immò isto etiam anno uxorem duxit, *Annam* consobrinam, *Ferdinandi*, Archiducis Austriæ, ex *Anna Catharina Gonzaga*, Mantuæ Duce, filiam, quæ ipsi tamen liberos heredes nullos peperit. Tandem fratre *Rudolpho* mortuo, an. MDCXII. Romanorum Imperator fuit electus, cui dignitati per Septennium præfuit.

Meretur autem in præfenti aureo notari singularis *Matthia* habitus, quo sese ut *Hungaria* Regem exhibet. Capite enim gerit *Coronam Hungaricam*, Sacram illud Pannoniæ Palladium, quod cælo descendisse prohibent, licet alii dicant *Stephanum R.* diademate isto an. M. à Romano Pontifice donatum fuisse. Coronam hanc vivis quasi coloribus expressam nobis sistit ejusdem custos & depositarius, *Petrus de Reva*, Comes Thüroczius, peculiari de *S. Corona Hung.* commentario; ubi f. 143. docet, eam constare ex auro solido, artificio Sculpturæ magis

gis coelesti quàm humano, & esse in orbem fusam, à
 cujus latiore circumferentia novem triangulares
 pinnæ, totidem unionibus majusculis radiantes, cir-
 cumemineant. Porro quatuor absides, angulis re-
 ctis se mutuò interfecantes, in crucem desinere ait;
 in ipsa verò peripheria tam Salvatoris CHRISTI,
 quàm B. Virginis *Maria*, aliorumque Sanctorum,
 Apostolorum & Martyrum imagines conspici, qua-
 rum nomina Græcis literis addita, singulæque ico-
 nes pretiosissimis gemmis & unionibus distinctæ
 sint. Tandem refert, ab utroque aurium latere, nec
 non à postica coronæ parte, gemmas aliquot, reliquis
 pretiosiores, numero novem, totidem aureis cate-
 nulis dependere, ad levem sacri capitis motum sese
 mutuà quadam harmonia commoventes, & vel
 certa quædam monita (ab auctore allata) Regi sug-
 gerentes, vel etiã (unã cum novem istis pinnis mar-
 garitifera, quas diximus) regna & provincias no-
 vem, Hungariæ incorporatas, *Dalmatiam* puta,
Croatiam, *Sclavoniam*, *Serviam*, *Bosniam*,
Galliciam, *Lodomeriam*, *Bulgariam* & *Cu-
 maniam* designantes. Coeterum exactam istius
 Coronæ delineationem affert *Sigismundus à Bir-
 cken*, in *Desterr. Ehrenspiegel* / I. V. c. XVII.
 p. 726.

Post ornamentum capitis in *Matthiã* nostro
 venit

venit observanda *Vestis regia*, qua amictus est. Hæc partim *Daimaticâ*, sive tunicâ longiori ad pedes defluente, & opere Phrygio prætextâ, constat, quale vestimenti genus à personis Ecclesiasticis in usum Regum transiit, ceu inter alios apud *J. C. Becmanum*, in Syntagmate Dignitatum Illustr. Dis. VII. c. I. videas; partim verò *Palliô* sive *paludamento S. Stephani* absolvitur, quod ad Clinodia regni Hungariæ spectat, & unâ cum illis sanctè Personii asservatur. Est autem Pallium istud (describente *Petro de Rewa d. I. f. 149.*) non tam vetustate & censu, quam religione picturæ admirabile, ex serico factum uranei coloris, cui Dei thronus & Apostoli omnes cum divina Majestate ex parte una, parte altera triumphus Christi à Cruce, ex auro contexti, in palmata vestis specie, &c. Paludamenti hujus picturam (ceuiDEM Auctor refert) *Matthiâ* nostro regnante Romanus Pontifex videre gestiit; quam ipsi quidem promisit Rex, sed difficulter à proceribus obtinuit, ut sibi liceret sacram illam vestem delineationis ergò Viennam deportare: Immo supradictus thesauri hujus depositarius & Conservator, Comes Thuroczius, Regem eò committatus est, nec prius inde discessit, quam pallium istud reliquis regni clinodiis rursus addendum receperit. Huc etiam pertinent pedum tegumenta, in nummo nostro conspicua, *Calceamenta* scilicet
vel

vel *Ccrea*, quæ inter alia vestimentorum genera plurimis abhinc sæculis in solenni Regum inauguratione fuerunt adhibita. Itâ enim jam olim Imperatores *Constantinopolitani* τζάρρα sua, vel τζαρρία & τζαρχα, habuerunt, cothurnos gemmis & unionibus distinctos, de quibus *Carolus du Fresne* in Glossario Græco, aliique rerum Byzantinarum scriptores consulendi. Nec desunt in hunc usque diem *Gallia* Regibus, quoties patrio ritu inaugurantur, tales ocreæ, quas ante hos XVI. annos, in sacro regalis Abbatia *S. Dionisii* (prope Lutetiam) thesauro, asservatos vidisse meminimus. Voluerunt itaque & *Hungari* suorum Regum pedes ac crura ejusmodi tegumentis vestire, ut haberent (*Petro de Retva* iterum interprete) *vigilantia & industria Symbolum*, quò admonerentur, ne in iis rebus, quibus salutis & commodo regni consulitur, studium & industriam detrectarent, sed expeditam in officio hosteque persequendo velocitatem præstarent.

Jam *manum* gestamina videamus. An illæ *Chirothecis* munitæ sint, in numinio nostro non discernere licet; Attamen vel ex dicto *J. C. Becmani* Syntagmate, l. c. p. 710. novimus, Hungariæ Regibus *candida* manum tegmina in usu esse, de quorum significato iterum *P. de Retva* philosophatur, *moneri Regem, ne subditorum bonis inhiat, ea per fas & nefas rapiat, sed ab*

omni rapina, doli & fraudis crimine, munda habeat manus, quin & ab innocenti sanguinis subditorum suorum effusione abstineat. Dextrâ interim *Matthias* noster *Sceptrum* gerit, antiquissimum illud supremæ potestatis, auctoritatisque eminentioris Symbolum, quod finit etiam Clementiæ nonnunquam *divina* est. Paullò aliter autem *Hungaricum* hocce Sceptrum, quod nummo nostro exhibetur, formatum est, ac vulgò Regum sceptrâ comparata esse solent, cum *brevius* nonnihil sit, *summitate rotunda, simillimum Clava Hungarica, gemmatis quaternis dependentibus appendicibus*, cœdenuò *P. de Rera* illud describit f. 149. Sinistrâ denique manu *Matthias Globum* tenet, solenne Regum insigne, cui *duplicata sive gemina crux Patriarchalis* imposita est, quæ *Stephano* R. suam debet originem; eumque simul Regem & Apostolum Hungariæ fuisse denotat.

Hæc sunt, quæ circa singularem *Matthiam* nostri habitum, quo aureo præfenti sistitur, observasse juvat. Cætera, cum toties jam occurrerint, operosa explicatione non indigent. Quapropter hoc solum addimus, *Matthiam* denique an. MDCXIX. d. XX. Martii Viennæ esse mortuum nullosque reliquisse liberos, qui ipsi vel in Imperio Romano-Germanico, vel in provinciis hereditariis potuerint succedere.

XVI.

FERDINANDVS II.

FER. II. D. G. R. I. S. A. GE. H. B. REX.

*Effigies Ferdinandi coronata & armata,
dextra sceptrum, sinistra globum tenens,
K. B.*

AR. AV. DV. BV. MO. CO. TY. 1626.

Effigies S. Mariae, &c.

FERdinandus hic, nominis istius in Regno Hungaricæ non minus, quam Romano Imperio, *secundus*, præcedentis *Matthia* patruelis fuit, *Caroli* scilicet, Archiducis Austriæ, ex *Maria* Bavara filius, an. MDLXXVIII. d. IX. Julii, Græci in hanc lucem editus; qui vivo adhuc *Matthia* (cùm nulla ipsi spes prolis superesset) Bohemis Hungarisque in Regem fuit datus, & Bohemicum quidem diadema an. MDCXVII. Hungaricum verò sequenti MDCXVIII. ipsis Julii Calendis obtinuit. Deinde patruelis mortuo, accessit etiam Romani Imperatoris dignitas, adeò ut merito in præfenti nummo *Romanorum Imperator Semper Augustus, Germania, Hungaria, Bohemisque REX* vocetur.

Sed ista *Ferdinandi* felicitas non omnibus
pla-

planè numeris fuit absoluta. Nam, sicut refractarii *Bohemi*, negatam sibi religionis libertatem causati, alium Regem, *Fridericum* scilicet Palatinum, elegerunt, unde tricennale Germaniæ bellum exarsit; ita etiam in *Hungaria* non defuit, qui regnum istud *Ferdinando* voluit eripere. Fuit is *Gabriel Bethlen*, seu, ut vulgò appellatur, *Bethlen Gabor*, Transsylvaniæ Princeps, qui milite conscripto varia Pannoniæ oppida, & in his Posonium (regii diadematis ἀποθήκη) occupavit, nec non an. MDCXX. d. XXV. Aug. Rex Hungariæ creatus fuit. Istius enim rei memoriam servant unciales aliiqve Principis hujus nummi, an. MDCXXI. & sequenti cusi, cum perigraphæ: GABRIEL, D. G. ELECTVS HVNGARIÆ, DALMATIA, CROATIA, SCLAVONIA REX, &c. ne dicam de sacra Hungariæ corona, quæ insignibus *Hungarico-Transsylvanis* in averso nummorum istorum latere imminet.

Verum isthunc æmulum *Ferdinandus* noster mox compescuit, missoqve contra eum exercitu non tantum loca ab ipso occupata recuperavit; sed quoq; an. MDCXXII. illum eò adegit, ut pacis conditionibus acceptis, omni in Hungariam juri regioqve titulo renunciaverit. Quæ licet pax sæpius labefactata fuerit, nunquam non tamē fuit iterum redintegrata, & tandem *Gabriel* iste (*Catharina* Brandenburgicæ maritus) an. MDCXXIX. d. XV. Nov. aqvâ intercute ad plures abiit.

Hôc igitur adversario liberatus *Ferdinandus*, Hungariam solus tenuit, eamque unâ cum regnis & provinciis reliquis ad annû usque MDCXXXVII. providè & feliciter administravit, quo ipso d. XV. Febr. Viennæ mortalitatē explevit, priori è conjugē *Anna Maria* Bavarâ (an. MDC. ducta) aliquot liberos, posteriorem verò uxorem, *Eleonoram* Gonzagam, Mantuæ Ducem (sibi an. MDCXXII. nuptam) viduam improlem relinqvens.

Imperatoris autem habitu *Ferdinandus* hic nummo nostro expressus est, cujus averso latere (præter *Archiducis Austriæ* titulum) DVx BVrgundia, MArchio MORavia, COMes TYrolis, appellatur, & quidem summo suo merito, cum provinciæ istæ (ceû nobis alibi dictum) â pluribus retrò sæculis ad Archiducalem familiam *Austriacam* spectaverint. Bipertitus denique clypeus, sub effigie *S. Mariae* ΤΕΥΟΦΩΡΑ, lunam calcantis, radiisque cinctæ, conspicuus, hinc tæniâs *Hungaricas*, inde verò Crucem istius regni geminam sive patriarchalem exhibet. XVII.

FERDINANDVS III.

FER. III. D. G. R. I. S. A. GE. H. B. REX.

Effigies Imperatoris coronati & armati, cum sceptro & globo. K. B.

AR. AV. DV. BV. MA. MO. CO. TY. 1640.

Effigies S. Mariae.

H

Fer-

F*erdinandum II.* in Hungariæ regno (nec non in Bohemia, ac Imperio Romano-Germanico) excepit *FFRdinandus III.* filius, quem an. MDCVIII. d. XIII. Julij ex *Anna Maria* Bavara suscepit. Is vivo adhuc patre, eodemque Posonij præsentē, an. MDCXXV. in Regem Hungariæ electus, ac d. VIII. Decemb. coronatus fuit : Cujus inaugurationis solennia fusè describit *Galeatius Gualdus*, Italus Comes in vernacula Imperatoris hujus *Ferd. III.* Historia, part. I. lib. III. p. 153. sqq. simulque nummorum istius rei memorialium, tum temporis in vulgus sparforum, meminit, nelle quali da una parte era scolpita una bilancia ed un Crucifisso, col motto : PIETATE ET IUSTITIA ; e nell'altra l'an. MDCXXV. della Coronatione, col nome & età del Rè, che era di XVII. anni. - Alium hujus generis nummum in *Sylloge nostra*, p. 125. seq. descriptum videas.

Habuit autem *Ferdinandus* hic in Hungaria vicinisque regionibus sibi infestum, non tantum *Ibrahim* Turcarum Imperatorem, defuncti *Amurathis IV.* fratrem, cum quo an. MDCXLII. viginti annorum inducias pepigit; sed etiam *Georgium Rakoczj*, Transylvania Principem, qui Svecorum Gallorumque fœdere nixus, magnas huic regno molestias creavit, & vix demum anno MDCXLV. pacis conditiones amplexus est. At
istis

istis turbis quâ fieri potuit compositis; Imperator filium *Ferdinandum IV.* (ex *Maria Anna, Philippi III.* Hispaniæ Regis, gnata, anno MDCXXXIII. genitum) Hungaris Regem dedit, eundemque an. MDCXLVII. d. XVI. Junij solenni ritu fecit coronari; qvî tamen ultra Septennium ista dignitate haud gavisus est, sed an. MDCLIV. morbillis seu variolis oppressus obiit: cui præmaturo fato vel arcendo vel suffianunando tres coronæ qvibus ornatus fuit, *Bohemica* scilicet *Hungarica & Romana*, impares extiterunt.

At brevi mitigatus fuit acerbus ille domus Augustæ luctus, postquam alter *Ferdinandi III.* filius, *Leopoldus*, (qvî hodie immortalis nominis gloriâ summæ Christiani rei præest) in *Hungaria* regno fratri fuit surrogatus, qvod an. MDCLV. d. XVII. Junii maximo splendore & exquisita prorsus magnificentia contigit; accedente mox etiam Regis *Bohemis* axiomate, qvod ipsi anno sequenti MDCLVI. fuit collatum.

Isti autem mœroris gaudijque vicissitudini haud diu superfuit *Ferdinandus* pater, sed anno MDCLVII. d. II. Apr. dignissimam ulteriorem inter mortales commorationem animam efflavit diversis è triplici (*Maria Anna* Hispanicæ, *Maria Leopoldina* Austriacæ, & *Eleonora* Mantuanæ) con-

jugio liberis relictis, qui summās ubique dignitates, non minus ecclesiasticās quam seculares, consecruti sunt.

Quod aureum Imperatoris hujus nummum, quem exhibemus, attinet, is præcedenti planè similis est, adcoque ulteriori tam figurarum, quam siglarum titulorumque ipsius explicatione supersedere possumus.

XVIII.

LEOPOLDVS.

LEOPOLD. D. G. R. I. S. A. G. H. B. REX

Effigies Imp. coronata & armata, &c.

AR. AV. DV. BV. M. MO. CO. TY. 1689

Effigies S. Maria.

QUos hætenus enarravimus Hungariæ Reges, orbis quidem vidit sed amisit iterum; Is autem, quem nunc auro expressum sistimus, divinâ gratiâ adhuc superat, & Augustissimus noster LEOPOLDus est, præcedenti *Ferdinando* III. Patre ac *Maria Anna* (filia *Philippi* III. Hisp. R.) matre, an MDCXL. d. IX. Junij Viennæ in hanc lucem editus. Huic, præter reliquas *Jgnatii Francisci, Balthasaris & Josephi* appellationes, insigni sanè omine etiam *Feliciani* nomen obtigit, cum omni hætenus vitâ, rebus feliciter & ex voto gestis, amicâ nominis ominisque conspiratione verè *Felicianus* fuerit. Vix enim quindecim annos superans,

perans, majori natu fratri *Ferdinando* (ipsi non minùs, quam fatorum legibus cedenti) in amplissimo, uti diximus, *Hungaria* regno successe; mox etiam *Bohemia* coronam nactus est, & tandem patre vivis erepto, unanimi procerum Germaniæ consensu an. MDCLVIII. Francofurti *Rex Romanorum ac Imperator* fuit electus, solennique ritu d. XXII. Jul. inauguratus, ceu *Galeatius Gualdus*, in Italica Imperatoris hujus Historia, part. I. lib. II. pluribus persequitur.

Nec minori hætenus fortunâ *Optimus* hic *Princeps* noster contra hostes usus est. Nam, ut eos saltem memoremus, qui ipsi, ut *Hungaria* Regi, sese inimicos præbuerunt, inde ab an. MDCLXI. ad hæc usque tempora diversos partim Transylvaniæ Principum, & refractariorum subditorum motus prosperè composuit, partim verò Turcas Hungariæ infestos represit & coercuit. Immo juratis hisce Christiani nominis hostibus, post terminatas XX. annorum inducias, anno MDCLXXXIII. tam insolenter se gerentibus, ut in ipsam non tantum Austriam irruerent, sed etiam Viennam metropolin, sedemque Imperatoriam, obsidione cingerent, fortiter restitit *Leopoldus*, cosque suis & foederatorum Principum armis ad subitam obsidionis solutionem ac turpem fugam compulit.

pulit. Nedicam varios cum his Turcis in Hungaria conflictus, ac insignes victorias ab iis reportatas, quibus *Caroli* Lotharingæ Ducis, aliorumque Heroum virtus eminuit; item Regiæ veteris, Budæ, recuperationē, an. MDCLXXXVI. factā, & id genus alia: quorum recensio doctiori nato ac discretiori calamo reservatur.

Summā denique felicitate etiam *Leopoldus* noster tam in avito Hungariæ regno, quam Romano-Germanico Imperio, sibi de futuro successore prospexit. Nam, licet è priori *Margareta Theresia* (*Philippi* IV. Hisp. R. filix,) & succedente *Claudia Felicitatis* (*Ferdinandi Caroli*, Austriæ Archiducis, natæ) conjugio, nullos longinquioris vitæ heredes masculos suscepit; Tertia tamen uxor, *Eleonora Magdalena Theresia* (*Philippi Wilhelmi*, Electoris Palatini, filia) anno MDCLXXVI. ducta, binos ipsi Principes peperit, adhuc superstitēs. Horum alter, *Josephus*, an. MDCLXXVIII. d. XXVI. Jul. natus, Posonii anno MDCLXXXVII. in Regem Hungaria inauguratus, nec non triennio post Augustæ Vindelicorum Regis Romanorum axiomate ornatus fuit; hoc ipso tempore, quo ista scribimus, Serenissimæ Principi *Wilhelmina Amalia* (filix *Johannis Friderici*, Ducis Brunsvico-

vico-Lunenburgensis) matrimonio jungendus : Alter
verò *Carolus* Archidux , & Juventutis Princeps,
an. MDCLXXXV. Calendis Octob. in hanc lucem
editus, in spem decusq; Augustæ Domus adolescit.

Et hæc est *Series Regum Hungariæ*, quam
â trecentis & quod excurrit annis repetitâ , nummis
aureis exhibere placuit, Aurea quidem, fateor, sub iis
non semper sæcula Pannoniæ fluxerunt; At ea tamē,
vel iis quantum fieri potest proxima, spondet Augustis-
simi nostri *Leopoldi* pietas, filiiq; successoris *Josephi*
virtus, quorum utriusque prolixâ annorum seriem, tata
aurea, nepotumq; feliciter imperantium longe mayo-
rem numerū, ac nobis hætenus computatus est, vo-
vemus : certò persuasi, quemadmodum olim *Dio-
cletiano* & *Maximiano* imperantibus, Carthagi-
nenses haud postremam spem salutis publicæ in ho-
rum Principū incolumitate posuerunt, teste solenni
nummorum lemmate : SALVIS AVGG. ET
CAESS. FELIX CARTAGO; ità multo magis fore, ut
SALVIS AVGVSTIS ET CAESARIBUS nostris, tam
piis, tã clementibus, tam providis, FELIX PANNO-
NIA, immò tota IMPERII Respublica futura sit.

Pag. 5. lin. 18. pro XV. lege ac. p. 18. lin. 22. pro alia. lege alia. p. 21.
lin. 17. pro Symbolo. lege Symbolo. p. 29. lin. antepenult. leg. δειγματι. p. 30.
lin. 1. pro vicinia leg. vicina. p. 31. lin. 1. pro Foxian leg. Foxiam. ibid. lin. ult.
pro menoralia leg. monetalia. p. 33. lin. 6. post immaturo enim adde parum.
p. 40. lin. 17. leg. τεκνοφόρος. p. 42. lin. 23. lege vel. p. 42. lin. 24. l. Clinodij,
p. 53. lin. 12. l. Dionysii, lin. 20. mannum. p. 55. lin. 9. l. Hungaria.

Handwritten text, likely a list or index, covering the majority of the page. The text is extremely faded and illegible.

13.684 H₂O

E NUMMIS AUREIS.



Wladislaus



MC

